



Broj: 01-01-3133/19
Sarajevo, 04. 10. 2019. g.

Na osnovu člana 21.a Zakona o zaštiti ličnih podataka („Službeni glasnik BiH“, br. 49/06, 76/11 i 89/11) i člana 27. Statuta Javne ustanove „Služba za zapošljavanje Kantona Sarajevo“ Sarajevo (broj: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), direktor Javne ustanove „Služba za zapošljavanje Kantona Sarajevo“ Sarajevo, donosi

ODLUKU
o uspostavljanju i vršenju video nadzora
u Javnoj ustanovi „Služba za zapošljavanje Kantona Sarajevo“ Sarajevo

Član 1.
(Predmet odluke)

Ovom Odlukom uspostavlja se video nadzor u Javnoj ustanovi „Služba za zapošljavanje Kantona Sarajevo“ Sarajevo (u daljem tekstu: Služba) te utvrđuje svrha i način vršenja istog i korištenja tehničkih pomagala.

Član 2.
(Svrha)

- (1) Svrha uspostavljanja video nadzora u Službi uspostavlja se radi sigurnosti radnika Službe, nezaposlenih lica koji su korisnici usluga Službe i drugim posjetiocima u periodu radnog vremena.
- (2) Pored svrhe iz stava (1) ovog člana video nadzor uspostavlja se i koristit će se za sprečavanje protuprovalnih radnji usmjerenih prema imovini Službe, te krađe, provala, uništenja i oštećenja imovine Službe.

Član 3.
(Prostor)

- (1) Video nadzor iz člana 1. ove odluke uspostavlja se u prostorijama Direkcije Službe, svim općinskim biroima i prostoru koji se nalazi na adresi Ložionička broj: 5.
- (2) Video nadzor iz stava (1) ovog člana obuhvata unutrašnje i uređaje za pohranu video zapisa i arhiviranje video zapisa.
- (3) Služba u svojim objektima ima 24 kamere koje video nadzornim sistemom pokrivaju sljedeće objekte:
- Direkcija Službe ima instalirane ukupno četiri (4) kamere, dvije (2) kamere pokrivaju hodnik i dvije (2) kamere pokrivaju ulazna i izlazna vrata objekta
 - Općinski biro za zapošljavanje Novo Sarajevo u objektu ima instalirane dvije (2) kamere i pokrivaju hodnik i šalter salu
 - Općinski biro za zapošljavanje Novi Grad u objektu ima instalirane tri (3) kamere i pokrivaju hodnik i šalter salu
 - Općinski biro za zapošljavanje Vogošća ima u objektu instalirane dvije (2) kamere i pokrivaju hodnik i šalter salu
 - Općinski biro za zapošljavanje Ilidža ima u objektu instalirane dvije (2) kamere i pokrivaju hodnik i šalter salu
 - Općinski biro za zapošljavanje Ilijaš ima u objektu instalirane (2) kamere i pokrivaju hodnik i šalter salu

- Općinski biro za zapošljavanje Stari Grad ima u objektu instalirane dvije (2) kamere i pokrivaju hodnik i šalter salu
- Općinski biro za zapošljavanje Centar ima u objektu instalirane dvije (2) kamere i pokrivaju hodnik i šalter salu.
- Općinski biro za zapošljavanje Hadžići ima u objektu instalirane tri (3) kamere i pokrivaju hodnik i šalter salu.
- Video nadzor će se vršiti sa dvije kamere (2) koje će biti postavljene u prostoru koji se nalazi na adresi Ložionička broj: 5

(4) Radnici Službe, nezaposlena lica koji su korisnici usluga Službe i drugi posjetioци će biti obavješteni o vršenju video nadzora.

(5) Obavještenje iz stava (3) ovog člana će biti postavljeno na ulazu u objekte u kojima je uspostavljan video nadzor na način da je vidljivo svima radi kojih se uspostavlja video nadzor.

(6) Video nadzor nije dozvoljen u kancelarijama i sanitarnim prostorijama.

(7) Obavještenje je adekvatne veličine na kojem se nalazi slika kamere i jasno vidljiv natpis koji glasi: „OBJEKAT JE POD VIDEO NADZOROM“.

(8) Obavještenje sadrži i podatke o kontaktu/kontroloru sa brojem telefona putem kojeg se mogu dobiti pojedinosti o video nadzoru.

Član 4.

(Uređaj za snimanje)

(1) Uređaji za snimanje (hard disc-ovi) i administrativni centar kontrole i obrade podataka nalazi se u Server sobi u prizemlju Direkcije Službe.

(2) Direktor i Šef Odjeljenja za opće i zajedničke poslove imaju pristup monitoringu u realnom vremenu i u periodu radnog vremena.

(3) Šef odjeljenja za opće i zajedničke poslove odgovoran je za obezbjeđenje tehničke ispravnosti uređaja za snimanje.

(4) Pristup Server sobi video nadzora ima Šef Odjeljenja za opće i zajedničke poslove, direktor Službe ili lice koje on ovlasti.

(5) Zaštita same prostorije je osigurana putem protuprovalnog alarmnog sistema

Član 5.

(Način čuvanja i upotrebe)

(1) Služba će snimke nastale korištenjem aplikacije za video nadzor pohranjivati na snimaču, obrađivati i koristiti u skladu sa Zakonom o zaštiti ličnih podataka, kao i propisima koji reguliraju zaštitu ličnih podataka.

(2) Nastale snimke mogu se kopirati ili drugačije elektronski obrađivati zbog dokazivanja krađe, oštećenja imovine, ugrožavanja zdravlja i sigurnosti radnika, nezaposlenih lica koji su korisnici usluga Službe i drugih posjetioci

Član 6.

(Vršenje video nadzora i evidencija zbirke ličnih podataka)

(1) Obrada ličnih podataka putem video nadzora vrši se u obliku video zapisa koji sadrži sliku, datum i vrijeme.

(2) O snimcima pohranjenim putem video nadzora vodi se zbirka ličnih podataka.

(3) O raspolaganju snimcima prikupljenim putem video nadzora odlučuje Direktor Službe.

(4) Prikupljeni podaci o osobama prikupljene putem video nadzora ne smiju se koristiti izvan njihove zakonske namjene.

(5) Evidencija zbirke ličnih podataka iz stava (2) ovog člana sadrži obrađene podatke za koje Direktor Službe procjeni da bi mogli biti od značaja za sigurnost radnika Službe, nezaposlenih lica koji su korisnici usluga Službe i drugih posjetioca.

(6) Evidencija iz stava (5) ovog člana nalazi se u Odjeljenju za opće i zajedničke poslove.

Član 7.

(Pristup snimcima sa video nadzora)

- (1) Snimci sa video nadzora se mogu izdavati i drugim licima u skladu sa zakonima koji propisuju ovu oblast.
- (2) Za uvid i dobijanje ličnih podataka iz zbirke ličnih podataka mora se podnijeti pismeni zahtjev Direktor Službe.
- (3) Direktor Službe ili lice koje on ovlasti donosi rješenje o usvajanju ili odbijanju zahtjeva za uvid i dobijanje ličnih podataka.

Član 8.

(Uslovi za pristup video nadzoru)

- (1) Video nadzor mora biti zaštićen od pristupa neovlašćenih lica.
- (2) Pristup video nadzoru može se omogućiti policiji u slučaju incidentnih situacija ukoliko su ispunjeni sljedeći uslovi:
 - da se desila incidentna situacija vezana za ugrožavanje sigurnosti imovine ili zdravlja ljudi;
 - da je nadležni policijski organ podnio pismeni zahtjev za omogućavanje pristupa video zapisima sa jasno određenim vremenskim razdobljem za koji traži pristup video zapisima;
 - da na serveru – snimaču postoji video snimak za traženi vremenski period.

Član 9.


(Rok čuvanja)

- (1) Video zapis se čuva 30 dana od dana nastanka nakon čega se briše.

Član 10.

(Stupanje na snagu)

- (1) Ova odluka stupa na snagu danom donošenja i objavit će se na oglasnoj tabli Službe i web stranici Službe.
- (2) Stupanjem na snagu ove Odluke prestaje da važi Odluka o uspostavljanju i vršenju video nadzora u Javnoj ustanovi „Služba za zapošljavanje Kantona Sarajevo“ Sarajevo br. 01/01-34-2378/19 od 13.08.2019.godine



Dostaviti:

- Svim Sektorima,
- Web stranica Službe,
- Oglasna ploča Službe
- Evidencija,
- a/a.